

ԱՐՁԱՆԱԳՐՈՒԹՅՈՒՆ N 1

Հայաստանի Հանրապետությունում 2024 թվականի հերթական գյուղատնտեսական համատարած հաշվառման նախապատրաստման և անցկացման Արմավիրի մարզային հանձնաժողովի 12.07.2024 թ. կայացած նիստի

Նախագահությամբ՝ Դավիթ Խուդայանի
Քարտուղարությամբ՝ Դավիթ Դավթյանի

Մասնակցությամբ՝

- ՀՀ վիճակագրական կոմիտեի նախագահ, վիճակագրության պետական խորհրդի (ՎՊԽ) նախագահ՝ Ստեփան Մնացականյանի
- ՀՀ վիճակագրական կոմիտեի նախագահի տեղակալ՝ Գագիկ Անանյանի
- ՀՀ Արմավիրի մարզպետի տեղակալ՝ Խաչատուր Մկրտչյանի
- ՀՀ վիճակագրական կոմիտեի ԳՀՀ վարչության պետ՝ Վարդան Գևորգյանի
- ՀՀ վիճակագրական կոմիտեի գյուղատնտեսության և պարենային ապահովության վիճակագրության բաժնի պետ՝ Արսեն Ավագյանի
- ՀՀ վիճակագրական կոմիտեի Արմավիրի մարզային վարչության պետի ժամանակավոր պաշտոնակատար՝ Իշխան Դավթյանի
- ՀՀ վիճակագրական կոմիտեի ԳՀՀ գծով Արմավիրի մարզային վարչության պետի տեղակալ՝ Իշխան Սարգսյանի
- ՀՀ ՆԳՆ ոստիկանության Արմավիրի մարզային վարչության պետի պարտականությունները կատարող՝ Հովհաննես Արիստակեսյանի
- Արմավիր համայնքի ղեկավար՝ Վարշամ Սարգսյանի
- Վաղարշապատ համայնքի ղեկավարի առաջին տեղակալ՝ Արսեն Պետրոսյանի
- Մեծամոր համայնքի ղեկավար՝ Վահրամ Խաչատրյանի
- Արաքս համայնքի ղեկավար՝ Ղազար Ղազարյանի
- Խոյ համայնքի ղեկավարի առաջին տեղակալ՝ Լյուդվիգ Յայլոյանի
- Փարաքար համայնքի ղեկավար՝ Լյուդվիգ Գյունազարյանի
- Բաղրամյան համայնքի ղեկավար՝ Շանթ Առաքելյանի
- ՀՀ Արմավիրի մարզպետի խորհրդական՝ Սերյոժա Գրիգորյանի
- ՀՀ Արմավիրի մարզպետի աշխատակազմի գլխավոր քարտուղար՝ Արամ Հովհաննիսյանի

- ՀՀ Արմավիրի մարզպետի աշխատակազմի տարածքային կառավարման և տեղական ինքնակառավարման հարցերի վարչության պետ, հանձնաժողովի նախագահի տեղակալ՝

Գոռ Հովհաննիսյանի

- ՀՀ Արմավիրի մարզպետի աշխատակազմի գյուղատնտեսության և շրջակա միջավայրի պահպանության վարչության պետ՝

Արթուր Այվազյանի

- ՀՀ Արմավիրի մարզպետի աշխատակազմի Քաղաքաշինության, հողաշինության և ենթակառուցվածքների կառավարման վարչության պետի պաշտոնակատարի պարտականությունները կատարող՝

Ռաֆիկ Երվանդյանի

ՕՐԱԿԱՐԳՈՒՄ՝

1. Գյուղատնտեսական համատարած հաշվառման նպատակը և կարևորությունը
2. Գյուղատնտեսական համատարած հաշվառման նախապատրաստական աշխատանքների ընթացքը
3. Մարզային հանձնաժողովի և համայնքապետերի կողմից ցուցաբերվելիք օժանդակության մասին.

ա) հաշվարարների թեկնածուների ներկայացում,

բ) համայնքների բնակավայրերի վարչական շենքերի, դպրոցների, մանկապարտեզների կամ այլ հանրային բնույթի շենքերում ժամանակավոր՝ մինչև 3 ամիս տևողությամբ սենյակների (հրահանգչական և հաշվառման տեղամասերի) տրամադրման մասին

Արմավիրի մարզպետ, Հայաստանի Հանրապետությունում 2024 թվականի հերթական գյուղատնտեսական համատարած հաշվառման նախապատրաստման և անցկացման Արմավիրի մարզային հանձնաժողովի նախագահ Դավիթ Խուդաբայանը, ողջունելով նիստի բոլոր մասնակիցներին, օրակարգային հարցերի առնչությամբ համապատասխան իրազեկման աշխատանքներ կատարելու նպատակով Արմավիրի մարզ այցելած ՀՀ վիճակագրական կոմիտեի նախագահ, վիճակագրության պետական խորհրդի (ՎՊԽ) նախագահ Ստեփան Մնացականյանին խնդրեց հանգամանորեն ներկայացնել առաջիկայում կատարվելիք այն բոլոր աշխատանքները, որոնք կապված են 2024 թվականի հերթական գյուղատնտեսական համատարած հաշվառման արդյունավետ նախապատրաստման և անցկացման գործընթացի հետ:

ՀՀ վիճակագրական կոմիտեի նախագահ, վիճակագրության պետական խորհրդի (ՎՊԽ) նախագահ Ստեփան Մնացականյանը ընդհանուր և իրազեկման կարգով Հայաստանի

Հանրապետությունում 2024 թվականի հերթական գյուղատնտեսական համատարած հաշվառման նախապատրաստման և անցկացման Արմավիրի մարզային հանձնաժողովի նիստի մասնակիցներին տեղեկացրեց, որ գյուղատնտեսական համատարած հաշվառումը (այսուհետ՝ ԳՀՀ) իրենից ներկայացնում է գյուղատնտեսության կառուցվածքի վերաբերյալ համընդգրկուն տվյալների, *զույր վիճակագրական նպատակներով*, մշակման, արտադրության և տարածման վիճակագրական գործառույթ, որի նպատակն ըստ էության հիմնականում գյուղատնտեսական նշանակության հողերի, գյուղատնտեսական մշակաբույսերի ցանքատարածությունների և բազմամյա տնկարկների տարածությունների, հողերի ոռոգման աղբյուրների և մեթոդների, գյուղատնտեսական կենդանիների, գյուղատնտեսական նշանակության տեխնիկայի, մարդկային և նյութական առկա ռեսուրսների վերաբերյալ տվյալների **հավաքագրումն է**: ԳՀՀ արդյունքում հավաքագրված համընդգրկուն տվյալները հնարավորություն կտան ձևավորել շտեմարաններ, որոնք կօգտագործեն պաշտոնական վիճակագրություն արտադրողները: Ամփոփ տվյալները կօգտագործեն գյուղատնտեսության ոլորտում քաղաքականություն և ծրագրեր մշակող ու իրականացնող պետական և տեղական ինքնակառավարման մարմինները, հասարակական կազմակերպությունները, գյուղատնտեսական արտադրանք արտադրողները և նրանց ծառայություններ մատուցողները, գիտակրթական հաստատությունները, միջազգային կազմակերպությունները և այլն: Ավելին, այդ տվյալները կարող են օգտագործվել նաև պարենային ապահովման և անվտանգության դիտազննման, գյուղատնտեսական արտադրանքի առկայության և մատչելիության վերաբերյալ օգտագործողներին առավել ընդգրկուն տեղեկությունների տրամադրման գործում:

ՀՀ վիճակագրական կոմիտեի նախագահ, վիճակագրության պետական խորհրդի (ՎՊԽ) նախագահ Ստեփան Մնացականյանը միաժամանակ ներկայացրեց այն իրավական ակտերը, որոնցով կարգավորվում են համատարած տարաբնույթ հաշվառումները: Այսպես, մասնավորապես նա նշեց, որ «Պաշտոնական վիճակագրության մասին» օրենքի (այսուհետ՝ Օրենք) 21-րդ հոդվածում սահմանված են համատարած հաշվառումներին վերաբերող դրույթները՝ մարդահամարը, գյուղատնտեսական և տնտեսական համատարած հաշվառումները: Ընդ որում մարդահամարները և գյուղատնտեսական համատարած հաշվառումները պետք է անցկացվեն առնվազն 10 տարին մեկ:

Օրենքի 21-րդ հոդվածի 3-րդ մասով սահմանված է, որ համատարած հաշվառում անցկացնելու մասին որոշումը, որով սահմանվում են համատարած հաշվառման անցկացման ժամկետները, ընդունում է Հայաստանի Հանրապետության կառավարությունը ոչ ուշ, քան համատարած հաշվառումը սկսելուց երկու տարի առաջ, իսկ 8-րդ մասի համաձայն՝ համատարած հաշվառումների անցկացման ժամկետները, ծրագրերը (հարցաշարերը), փորձնական հաշվառումների անցկացման տարածքները, հանրապետական և մարզային հանձնաժողովների կազմը հաստատվում են Հայաստանի Հանրապետության կառավարության նորմատիվ որոշմամբ, իսկ փաստաթղթերը՝ հարցաթերթ, կազմակերպահրահանգչական, մեթոդաբանական և այլն, հաստատում է Վիճակագրության պետական խորհուրդը:

Վերոնշյալ իրավակարգավորմամբ պայմանավորված ՀՀ կառավարությունը 2022 թվականի սեպտեմբերի 29-ի N 1514 - Ն որոշմամբ (այսուհետ՝ Որոշում) հաստատել է Հայաստանի

Հանրապետությունում 2024 թվականին հերթական ԳՀՀ անցկացնելու ժամկետները, 2023 թվականին փորձնական ԳՀՀ անցկացնելու տարածքներն ու ժամկետը, 2024 թվականի հերթական ԳՀՀ աշխատանքներին օժանդակելու նպատակով հանրապետական, Երևան քաղաքի և մարզային հանձնաժողովների կազմերը:

Համաձայն Որոշման 1-ին կետի հերթական ԳՀՀ նախատեսվում է անցկացնել 2024թ. հոկտեմբերի 11-31 ներառյալ: Ի դեպ, Որոշման 2-րդ կետով նախատեսված փորձնական ԳՀՀ-ն անցկացվել է 2023 թվականի հոկտեմբերի 11-31 ներառյալ, Հայաստանի Հանրապետության Արարատի մարզի Մասիս համայնքի Այնթափ և Հայաստանի Հանրապետության Արմավիրի մարզի Մեծամոր համայնքի Բամբակաշատ ու Նոր Արմավիր բնակավայրերում: Որոշման 5-րդ կետով հանձնարարվել է Հայաստանի Հանրապետության պետական կառավարման համակարգի մարմինների ղեկավարներին ու Հայաստանի Հանրապետության մարզպետներին և առաջարկվել է Երևանի քաղաքապետին և համայնքների ղեկավարներին՝ համակողմանիորեն օժանդակել Արմատատին Հայաստանի Հանրապետությունում 2024 թվականի հերթական ԳՀՀ նախապատրաստման և անցկացման գործառույթներում:

Ելնելով վերոգրյալից և հաշվի առնելով այն հանգամանքը, որ համաձայն «Պաշտոնական վիճակագրության մասին» օրենքի 21-րդ հոդվածի 12-րդ մասի պետական և տեղական ինքնակառավարման մարմիններն իրենց իրավասության շրջանակներում պատասխանատու են համատարած հաշվառման նախապատրաստումը և անցկացումը պատշաճ կարգով կազմակերպելուն օժանդակելու համար, ՀՀ վիճակագրական կոմիտեն (Արմատատ) հերթական ԳՀՀ նախապատրաստման և անցկացման աշխատանքներում, մանավորապես. 2024թ. հոկտեմբերի 11-31 ներառյալ ԳՀՀ սահմանված ժամկետներում և պատշաճ մակարդակով անցկացնելու համար հայցում է նիստի բոլոր մասնակիցների (հատկապես համայնքների ղեկավարների) գործուն օժանդակությունը՝ այն է. համայնքների աշխատակազմերի համապատասխան ստորաբաժանումների և Արմատատի մարզային վարչության աշխատակիցների հետ համատեղ կազմել անհատական (գյուղացիական) տնային տնտեսությունների ցուցակները (թղթային և էլեկտրոնային) և օժանդակել կազմակերպչական բնույթի այլ միջոցառումներում: Ընդ որում տնտեսությունների ցուցակների կազմման նպատակն է ճշտել տնտեսությունների քանակը, կազմված ցուցակների հիման վրա սահմանազատել բնակավայրերի տարածքները համապատասխան հաշվային տեղամասերի (որոնց աշխատանքները պետք համակարգեն Արմատատի մարզային վարչության պետերը), ապահովել տնտեսությունների ամբողջական ընդգրկումը հաշվառման գործընթացում, բացառել տնտեսությունների կրկնակի հաշվառումը և այլն: Ցուցակները պետք է ներառեն հետևյալ ցուցանիշները՝ տնտեսության գլխավորի անուն ազգանունը, հասցեն, տնտեսությանը պատկանող գյուղատնտեսական հողերն ու գյուղատնտեսական կենդանիները և այլն:

Այնուհետև ՀՀ վիճակագրական կոմիտեի նախագահ, վիճակագրության պետական խորհրդի (ՎՊԽ) նախագահ Ստեփան Մնացականյանն ըստ փուլերի անդրադարձ կատարեց նաև ԳՀՀ նախապատրաստման և անցկացման աշխատանքներին, մեթոդներին և դիտարկման միավորներին,

կառուցվածքային ստորաբաժիններին (տեղեկության հավաքման և ամփոփման 5 հարթությունները), ինչպես նաև համայնքների կողմից ակնկալվող օժանդակությանը. այն է՝ ա/ համայնքապետերի և վարչական ղեկավարների հետ համատեղ, սահմանված ժամկետներում, ժամանակավորապես ներգրավվելիք աշխատակիցների հավաքագրում՝ համապատասխան որակավորում և վիճակագրական հետազոտական ծրագրերում մասնակցության, ինչպես նաև գրասալիկ օգտագործելու փորձ ունեցող թեկնածուներից (բացառելով համայնքի ֆիսկալ և քվազիֆիսկալ գործառույթներում ներգավված անձանց, բ/ աջակցել համայնքներում բնակչության իրազեկման համար զանգվածային-բացատրական աշխատանքների իրականացմանը՝ գյուղատնտեսական համատարած հաշվառման նախապատրաստման և անցկացման բոլոր փուլերի ընթացքում:

Ներկայացվեց նաև՝

1. ԳՀՀ Արմավիրի մարզի ժամանակավոր նախնական անձնակազմը հետևյալ թվաքանակներով՝

- համակարգող– 3 մարդ, աշխատանքի տևողությունը՝10 ամիս,
- հաշվառման տեղամասի վարիչ– 11մարդ, աշխատանքի տևողությունը՝ 3 ամիս,
- հրահանգիչ–հսկիչ– 105 մարդ, աշխատանքի տևողությունը՝ 2 ամիս,
- հաշվարար– 527մարդ, աշխատանքի տևողությունը՝ 1,3 ամիս:

Ընդամենը՝ 646 մարդ,

2. Ժամանակավոր աշխատասենյակների նախնական հետևյալ թվաքանակներն ըստ համայնքների՝

	Հաշվառման տեղամաս 3 ամիս	Հրահանգչական տեղամաս 3 ամիս
Արմավիրի մարզ (ըստ համայնքների)	10	55
Արմավիր	2	10
Վաղարշապատ	1	10
Մեծամոր	2	8
Բաղրամյան	2	8
Արաքս	1	6
Խոյ	1	6
Փարաքար	1	6
Ֆերիկ		1

3. Ինչպես նաև ԳՀՀ սպասվելիք հետևյալ արդյունքները, որոնք հնարավորություն կընձեռեն՝

- Բարելավել գյուղատնտեսության ոլորտի ընթացիկ վիճակագրությունը:
- Ձևավորել գյուղատնտեսության վերաբերյալ՝
 1. վիճակագրական տվյալների ամբողջական համակարգ,
 2. գյուղատնտեսական գործունեությանը զբաղվող սուբյեկտների վիճակագրական ռեգիստրներ,
 3. կատարելագործել վիճակագրության ընտրանքային գործիքները,
 4. ապահովել համապատասխանությունը գործող միջազգային չափանիշներին և չափորոշիչներին,
 5. բացահայտել գյուղատնտեսության ենթակառուցվածքների փոփոխությունների միտումները:

Իր եզրափակիչ խոսքում ՀՀ վիճակագրական կոմիտեի նախագահ, վիճակագրության պետական խորհրդի (ՎՊԽ) նախագահ Ստեփան Մնացականյանը, շնորհակալություն հայտնեց ՀՀ Արմավիրի մարզպետ Դավիթ Խուդաթյանին Հայաստանի Հանրապետությունում 2024 թվականի հերթական գյուղատնտեսական համատարած հաշվառման նախապատրաստման և անցկացման Արմավիրի մարզային հանձնաժողովի նիստում Արմավիրի մարզում հոկտեմբեր ամսին ԳՀՀ կազմակերպելու և անցկացնելու նպատակով իրազեկման նման հնարավորություն ընձեռելու համար և համոզվածություն հայտնեց, որ համապատասխան օժանդակությամբ, արդյունավետ և ակտիվ համագործակցությամբ կիրականացվեն գյուղատնտեսական համատարած հաշվառման հետ կապված նախապատրաստական և անցկացման աշխատանքները:

ՀՀ Արմավիրի մարզպետ, Հայաստանի Հանրապետությունում 2024 թվականի հերթական գյուղատնտեսական համատարած հաշվառման նախապատրաստման և անցկացման Արմավիրի մարզային հանձնաժողովի նախագահ Դավիթ Խուդաթյանն իր հերթին շնորհակալություն հայտնեց ՀՀ վիճակագրական կոմիտեի նախագահ, վիճակագրության պետական խորհրդի (ՎՊԽ) նախագահ Ստեփան Մնացականյանին՝ ՀՀ Արմավիրի մարզում իրականացվելիք գյուղատնտեսական համատարած հաշվառման հետ կապված իրազեկման նպատակով ՀՀ Արմավիրի մարզ կատարած այցելության համար և հավաստիացրեց, որ կարվի ամեն ինչ գործընթացը պատշաճ մակարդակով կազմակերպելու և անցկացնելու համար: Նա միաժամանակ Արմավիրի մարզի համայնքների ղեկավարներին առաջարկեց՝ ՀՀ Արմավիրի մարզում 2024 թվականի հոկտեմբերի 11-31-ը իրականացվելիք հերթական գյուղատնտեսական համատարած հաշվառման աշխատանքները ժամանակին, ճշգրիտ և արդյունավետ կազմակերպելու և անցկացնելու նպատակով, համայնքների վարչական ղեկավարների հետ համատեղ համակողմանիորեն օժանդակել Հայաստանի Հանրապետության վիճակագրական կոմիտեի (Արմստատ) Արմավիրի մարզային վարչությանը, ինչպես նաև ապահովել փողոցների,

թաղամասերի անվանատախտակների և վարչական շենքերի, դպրոցների, մանկապարտեզների կամ այլ հանրային բնույթի շինությունների համարանիշերի առկայությունը:

ՀՀ Արմավիրի մարզպետ, Հայաստանի Հանրապետությունում 2024 թվականի հերթական գյուղատնտեսական համատարած հաշվառման նախապատրաստման և անցկացման Արմավիրի մարզային հանձնաժողովի նախագահ Դավիթ Խուդաթյանն ամփոփելով օրակարգային հարցերի քննարկման արդյունքները, հանձնաժողովի նիստը հայտարարեց ավարտված:

**ՀՀ Արմավիրի մարզպետ,
Հայաստանի Հանրապետությունում
2024 թվականի հերթական գյուղատնտեսական
համատարած հաշվառման նախապատրաստման
և անցկացման
Արմավիրի մարզային**



2024-07-22 11:00:02 GMT+4
Հավաստված է ԷԿԵՆԳ-ի կողմից



հանձնաժողովի նախագահ՝

Դավիթ Խուդաթյան

Կատարող՝ ՀՀ Արմավիրի մարզպետի
Աշխատակազմի՝
Անձնակազմի կառավարման,
փաստաթղթաշրջանառության և հասարակայնության
հետ կապերի վարչության
պետ, հանձնաժողովի քարտուղար՝ Դավիթ Դավթյան